

# Agate Deuna

## **Aintzaldu daigun Agate Deuna**

bihar da ba Deun Agate,  
etxe honetan zorion hutsa  
betiko euko al dabe.

Deun Agatena batzeko gatoz  
Algortako euskalzaleak,  
igaz lez hartu gagizuez ta  
zabaldu zuen sakelak...

## **Aintzaldu daigun Agate Deuna...**

Zorion etxe hontako denoi  
oles egitera gatoz,  
aterik ate ohitura zaharra  
aurten berritzeko asmoz

## **Aintzaldu daigun Agate Deuna...**

Ez gagoz oso aberats diruz  
ezta ere oinetakoz,  
baina eztarriz sano gabiltza  
ta kanta nahi degu gogoz

## **Aintzaldu daigun Agate Deuna...**

Santa Ageda bezpera dogu  
Euskal Herriko eguna,  
etxe guztiak kantuz pozteko  
aukeratua doguna.

## **Aintzaldu daigun Agate Deuna...**

Orain bagoaz alde egitera  
agur dautsugu gogotik;  
Agate Deuna bitarte dala  
ez eizue izan kalterik... IEUP!!